



Aasiaat 22. december 2015

Inatsisartut suleriaasianni § 37 naapertorlugu Naalackersuisunut imaattunik apeqquteqarpunga:

### **Naalackersuisunut apeqqutit:**

- 1. Namminersorlutik Oqartussa qarfiup iluani (allaffissuarmi) pisortat pisortallu tullersortaat qassiuppat?**
  - a. Taakkunanga qassit marluinnik oqaaseqarpat, tassalu kalaallisut danskisullu?**
- 2. Namminersorlutik Oqartussat suliffeqarfiutaanni pisortat pisortallu tullersortaat qassiuppat?**
  - a. Taakkunanga qassit marluinnik oqaaseqarpat, tassalu kalaallisut danskisullu?**
- 3. Namminersorlutik Oqartussa qarfiup iluani (allaffissuarmi) aammalu Namminersorlutik Oqartussat suliffeqarfiutaani atorfinitsitsinermut politikkeqarpa?**
  - a. Taamaattoqarpat politikki qanoq ittoq ingerlanneqarpa?**
- 4. Namminersorlutik Oqartussa qarfiup iluani (allaffissuarmi) aammalu Namminersorlutik Oqartussat suliffeqarfiutaanni pisortaaqut pisortanullu tullersortaaqut amerlanerpaartaasa kalaallisut qallunaatullu oqalussinnaasuunissaat angujumallugu Naalackersuisut qanoq iliuseqarpat?**

(Inatsisartuni ilaasorta q Peter Olsen, Inuit Ataqatigiit)

Naluneqanngitsutut 1953-illi kingorna allaffissornikkut atorfilittaasut pisortaaqut tamarmik tamangajammilluunniit danskisuinnaq oqaaseqartuusimapput, naak sullinneqartut amerlanerpaartaat, tamangajalluinnarmilluunniit kalaallisuinnaq oqaaseqartuusut.

Ukiorpasuarini oqaatsitta, kinaassutsitta kulturittalu tammaannannginnissaat pillugit ilungersoreersimalluta sorsoreersimallutalu 1979-mi namminersornerulerneq eqqupparput. Nammineq immitsinnut aqussinnaalerumalluta akisussaaffigilerumallutalu. Oqaatsivut kinaassuserput kulturerpullu illersorumallutigit.

Ukiorpasuit ingerlaqqipput; annerusumillu susoqanngilaq allannortoqanngilarlu allaffissornerup tungaasigut, sulit allaffissornikkut oqaatsit pingaarnertut atorineqartut tassaapput danskit oqaasii.

2009-mi namminersorneq eqqunneqarpoq, tassunga ilutigalugu oqaatsivut – kalaallisut oqaatsivut nunatsinni pingaarnertut inissinneqarlutik.

Ukiut arfinillit ingerlareersimalerput kalaallisut oqaatsitta nunatsinni pingaarnertut oqaaserineqalermata, taamaattorli pissutsit piviusut qiviaraanni malunnartoqarpallaanngilaq oqaatsitta nunatsinni pingaarnertut inissinneqarsimanerat, allaat oqartoqarsinnaagunarluni pissutsit allannungaarsimanngitsut, allaat pissutsit 1979-misuulli sulit ingerlasut ajorneruliinnarsimanngikkunilluunniit.

Taamatut tunngavilersuuteqarlunga matumuuna apeqquteqaatiga ingerlateqqippara. Kissaatigaaralu apeqquteqaatima ullut nalinginnaasumik sulliffiusut qulit iluanni akineqassasoq.